

Iakwaién:tere's tánon iakwáhsere ne Ontario Ónkwe Iakoianerenhserá:wis katokenhstá:nion tsi kahiá:ton

Ne onkwentióhkwa kakweniénstha tánon káhsere ne kahiatónhsera
tánon ne iorihowá:nen Ontario Ónkwe Iakoianerenhserá:wis
katokenhstá:nion kahiá:ton.

Tionkwehtáhkwen tánon iakwa'nikón:rare aiakhikwé:nienste tsi nithonátte ratikwé:kon. Tiakhiiá:wis
akwé:kon énska tsi nitiotte nahò:ten iakoianerenhserá:ien tánon sha'tahonate'shennaién:take akwé:kon
ne sháka ne rotiió'te, thatihninón:re's tánon ne rontsníé:nons.

Tsi niionkwaianerenhseró:ten, tsi nahò:ten ionkwaió'te tánon tsi niakwaiérha ne kahsaáhton ne
aiakhiihronká:ten, tóhsa tho naiawen'ne tánon é:ren iakwahawítha ne ónhka ahonwatikén:ron iah
tewatsteríhstha nahò:ten rotiió'te tánon ne ónen akó:ren eniakhiió'tenhse. Iah khta'teikwaká:neren ne
ónhka aiehterónhkwe, tóka ní' iah tetkaié:ri tsi aiontá:ti tóka ní' aiontoriá:neron. Oksa'k
eniakwatoriá:neron tóka' thénon tenka'nikonhrharahsheraién:ta'ne.

Kenh nón:we ne iah ónhka teiakorí:waien ónhka aiontatkén:ron tsi kí' ní:ioht tsi kahiá:ton ne
katokenhstá:nion:

tsi niiakaonhontsó:ten, tsi taiehwatsiratá:tie, tsi nón:we nitiakawé:non, tsi
naeia'tó:ten, tsi nikanató:ten tsi nitiakawé:non, nahò:ten tierákwes ne ónhka
ahiá:rate, ónhka í:ienhre akénhake, iakón:kwe/rón:kwe, iah tshieieia'taié:ri, tsi
niionhsohkó:ten, tsi niiakorihwiihstonhtsheró:ten, tsi na'teikaohseriiá:kon
(18 tánon í:si' nón:we, 16 tánon í:si' nón:we ahotinonhsó:ta'ne) iakoniá:kon,
iehwatsí:raien, tiakoná:khwens, kakóra iakoiénawá:se (aiakononhsó:take)
teia'nienskén:en (tsi tiakoió'te) tánon iekén:ron tsi niiakotenro'seró:ten.

Kí kahiatón:nion kari'wanóntha akwé:kon shataontaiakó:tate tsi rotiió'ténhstha, tsi
ratí'terón:ton, kahiá:ton tsi waterihwahserón:ni, ne thénon, shakotiénawá:se tánon
iontstha'shón:'a, tánon ne thénon ratiíá:tare tsi thotiió'te tánon ne rotinén:raien tsi
rotiió'te.

Ne Ontario Ónkwe Iakoianerenhserá:wis Tewanónhtons ioio'tens ne á:kareke, aonten'nikón:raren tánon
sénha iaká:reke ne ónkwe iakoianerenhserá:wis, ne akwah teiaó:ien nahò:ten e'tho nikaiérha ne
aiontatkén:ron. Ne rónstha ne í:si' nón:we ne tsi nikari'wanóntha, tehatié:nas, thonatenróhon tánon
thonwatíhnes, ne OHRC ne teiaó:ien ne akáreke ne Ontario ónkwe iakoianerenhserá:wis tsi
nihotirihò:ten. Iá'sheiáttats ne OHRC tóka í:sehre í:si' nón:we aesatókénhse í:si' nón:we ne ónkwe
iakoianerenhserá:wis iakorihonniénni tánon í:si' nón:we ne tsi nikari'wanón:tha tóka ní' tsi niíá:wens ne
ónkwe iakoianerenhserá:wis ne Ontario.

Né: kí:ken Website: www.ohrc.on.ca
Email: info@ohrc.on.ca
Toronto: 416-326-9511
Iah thaskária'ke: 1-800-387-9080
TTY: 416-326 0603
TTY (Iah thaskária'ke): 1-800-308-5556

Ne Ónkwe Iakoianerenhserá:wis Kaianerénhsera Iakoiénawá:se Ronterihwahtentiátha tewatká:was ne
iah teiaká:raien kaianerénhsera aiakohshnié:non ne ónhka waontatkén:ron tsi nahò:ten kahiá:ton ne
Ontario Ónkwe Iakoianerenhserá:wis. Iá'sheiáttats ne Ronterihwahtentiá:tha tóka wahsáttoke
waesakén:ron tánon kari'wanóntha kaiénawá'séhtshera aiesaten'nikón:ron tóka ní' aiesaié:nawá:se
ia'taesarihwaién:ta'se tóka' ken ahseri'wanón:ton áhsenahne kahiatónhsera ne ónkwe
iakoianerenhserá:wis.

Né: kí:ken Website: www.hrlsc.on.ca
Tel: 416-597-4900
Iah thaskária'ke: 1-866-625-5179
TTY: 416-597-4903
TTY (Iah thaskária'ke): 1-866 612-8627

Ne Ónkwe Iakoianerenhserá:wis Tehatirihotaríhshions ne Ontario rotiió'tens tahatirihotaríhsi ne
iehotihíá:ton ne Ontario Ónkwe Iakoianerenhserá:wis kahiá:ton tsi wahonwatikén:ron. Ne
Tehatirihotaríhshions ia'tenhotirihwaién:ta'se ahontsníé:non tóka ní' ahatirí:wenhte. Ne
Tehatirihotaríhshions ne rotiió'tens ahatirihwakwatáko tóhsa' kenneka aontahatirí:warahkwe tóhsa'
thénon akari'waséhton. Iá'sheiáttats ne Tehatirihotaríhshions tóka' í:sehre aesató:kénhse tsi ní:ioht
nahò:ten í:sehre asherihwahehrhá:se, tekahna'netáhkwen ne Tehatirihotaríhshions raotihiatónhsera
ensahró:ri tsi nihatiérha tahatirihotaríhsi.

Né: kí:ken Website: www.hrto.ca
Tel: 416-326-1312
Tel (Iah thaskária'ke): 1-866-598-0322
TTY: 416-326-2027
TTY (Iah thaskária'ke): 1-866-607-1240

Thénon ne testiatíé:ren í:sehre aesatókénhse ne ki nen'né:'e ia'shehiá:tons ne:

The Registrar, Human Rights Tribunal of Ontario
15 Grosvenor Street, Ground Floor
Toronto, ON M7A 2G6

Teietharákhwa: 416-326-1519 | Iah thaskária'ke: 1-866-598-0322

TTY: 416-326-2027 | TTY Iah thaskária'ke: 1-866-607-1240

Fax: 416-326-2199 | Fax Iah thaskária'ke: 1-866-355-6099

Email: HRTO.Registrar@ontario.ca

